

重修德州學宮紀略



德州學宮歲久傾圮於光緒辛巳歲州侯陳公嗣良與州人議重修未及行去任旋署曹縣致書於州人士郵寄伍百金以助興作因連歲數易官遷延數年歲乙酉署任州侯程公兆祥來德甫下車整飭學校凡有關於文教者一振興之詣學宮周視內外見垣墉之頽敗瓦礫之紛紜為之惻然遂與諸紳者會議重修估計經費僉謂非逾萬金恐未易為力也稟諸糧道議興工而福觀察潤陞臬司

任未及辨理與前任陸觀察仁愷各捐貳百金助工越明年鐸觀察洛崙督漕是邦復任伊始即諭州侯程公偕紳士修學宮捐廉千金為之倡程州侯兆祥捐捌百金為之繼前州侯陳公嗣良續捐百金問州文武官員紳商士民各有所輸共合京錢肆萬伍仟餘緡擇於光緒十有三年春開工監修之事統歸紳士而州侯委派為之督不假吏胥之手以州人候補同知李炳綬總司其事廩貢馬崧慶增貢盧賡紱副之勸捐則翰林院待詔魏游藝廩生舉貢

武進士候選守備宋長林武生宋玉泰司出入賬簿則恩
貢候選教諭石蕙田六品職銜封易監生陳耀廷總監衆
工則監生田一成密工兼收發則監生羅堃生員魏壽彭
辦料則監生劉百祿王受祐監木石工則中書科中書張
耀銘歲貢候選訓導盧兆紱拔貢候選直隸州州判呂青
雲監泥瓦工則副貢即選訓導舉廢歲貢候選訓導陳毓
芹增貢候選訓導陳照臨監油漆工則監生馬予沅皆係
自備飯食不立伙食賬簿於光緒十五年秋自大成殿以

至兩廡大成門櫺星門文武官廳泮池外柵欄照壁庠門
文昌宮奎星閣名宦祠皆煥然一新於光緒十六年冬自
崇聖祠以迄明倫堂土地祠宋公祠鄉賢祠節孝祠內外
牆垣皆修築完固隨捐隨修共用京錢肆萬伍仟餘緡咸
登冊註清送州署存案立碑為記凡官紳士民捐輸及董
事諸人例得書名以俟後之考稽者

繁露書院節畧

繁露書院乾隆十八年督糧道汪公漢倬建在城內東北隅奎樓前之左門南嚮內有號舍二十餘間肄業諸生所也堂曰正誼沈觀察維璫題額其後為山長內宅房十數間二門外為院役居司啟閉監理書院則兩學師分任之自汪觀察後以魯觀察垂紳景觀察霖振興文教為最盛諸生住院肄業者格外給膏火薪水之資於官齋兩課之外觀察復至書院與諸生講學論文如嚴師之誨弟子山

繁露書院節畧

州衛書院校定本

長亦按期集住院諸生談經講藝每月十餘次並出題加詩文課命諸生先作題解呈閱是非立為分別然後歸號作文當日交齊第三日在講堂發落如濟甯于解元如川杜孝廉鍾英主講繁露時皆如是咸豐中戎馬控德書院漸荒廢迨沈觀察維璫督漕是邦慨然於學校之廢也思欲一為整頓因邀州人封明經兆桐董土木工重修書院費用皆出廉俸復籌款加增膏火捐備飯食每歲正月下旬甄別生童扁門課士生取正課二十四名每名月給膏

火銀壹兩伍錢副課十二名每名月給膏火銀伍錢童取
正課十六名每名月給膏火銀玖錢副課八名每名月給
膏火銀叁錢獎賞則生童正課之前半其下每月官齋兩
課則獎賞生之超等前八名童之上取前五名列為條規
以垂久遠並立碑於講堂顏之曰鹿洞遺規分給諸生童
六事箴言四聲易知錄勗以文行並勵以故自甲子迄辛
未登鄉榜捷南宮宴瓊林者接踵而起至今猶豔稱之後
貴觀察寶彌封課卷周觀察恒祺捐添獎賞皆定為成例

陸觀察仁愷重修講堂鐸觀察洛崙增訂新章善觀察聯
改為每月甄別刷印前明及

國朝鼎甲徵信錄分給諸生童以期積厚德掇巍科於諸士子
有深望焉又自同治甲子科鄉試沈觀察維敬先期決科
試士捐廉致送元卷銀兩首卷捌兩以次而降至榜尾皆
壹兩正科恩科一例通行厥後歷任至鐸觀察洛崙恩觀
察燾皆照舊章於六月間決科試士如數致送元卷銀兩
與賓興相輔而行至今稱為盛舉

州衛書院記略

州衛書院咸豐八年德州知州張應翔德州衛守備葉宗訓同建在西門內呂家街中間路西大門東向門以內為庫房院役司啟閉西為屏門南為點名所額曰臚唱先聲西為照壁綵繪五魁北屏門內北廳額曰涵化堂山長講學之所東西廂房內有桌檯月課諸童在此作文內院房十餘間山長之所居也西南號舍十七間肄業諸生所居也其經費則官紳共捐除購地築室工料外淨存京錢壹

萬壹仟伍百緡發當生息月利一分作為每年山長脩金生童膏火歲修等項之資延州人候選州判封兆桐監書院事自始修以至聘請山長歲修各節皆與監院紳士商酌辦理每逢課期扃門試士至慎重也同治五年知州趙新加詩賦課捐備獎賞行之數年諸生皆有進益如同治戊辰科進士魏迺勳辛未科進士馬翥光緒丙子科進士馬翹庚辰科進士徐象震均長於詩賦同治十二年知州王亮采衛守備王廷熏捐廉重修書院以後均照舊章課

士光緒十一年署任知州程兆祥甫下車即與監院紳士商酌書院事宜每逢月課進院局試終日坐講堂上課卷隨交隨閱親定甲乙猶以膏獎無多不足以恤寒士為慮經紳士兵部主事馬洪慶即選訓導陳德輿舉人李鐸拔貢生呂青雲稟請以閒款銀兩續入書院生息項下當即批准轉詳併捐廉俸共合京錢肆仟緡發當生息每年脩金膏火等項格外加增定為成案列章程十四條懸挂講堂刊臨文敬避分給諸生俾知科場條例刻韻字鑑分給

諸童使知手仄字音後奉檄調他邑十六年復署州事又將前州停課餘款發當生息錢文酌增每月膏火光緒二十一年知州王佑修將停課餘款續入生息項下二十二年署任知州陳公亮加經古課捐添獎賞四月中卸任署任知州錢祝祺仍加經古課捐添獎賞每月一次監院紳士知縣職銜馬翥候選直隸州州判呂青雲捐添書院號桌號檯併捐備本年經古卷資州署存案

正誼書院記畧

正誼書院在城內之東偏盧家井街講堂號舍共二十餘
間光緒十六年督糧道善聯暨滿營捐建為旗學生童肄
業之所每月官齋兩課每次共取生童十名山長脩金八
十兩正課生每名膏火銀八錢獎賞銀肆錢副課生每名
膏火銀六錢獎賞銀貳錢正課童每名膏火銀四錢獎賞
銀二錢副課童每名膏火銀三錢獎賞銀一錢齋課超等
生三名每名獎賞銀六錢特等生三名每名獎賞銀四錢

上取童二名每名獎賞銀三錢中取童二名每名獎賞銀
二錢均由督糧道暨滿營經理由道籌備經費銀四千兩
發當一分生息每年息銀四百八十兩按款支銷有盈無
絀督糧道署暨城守尉署皆有案



德州學校記略

州學取進克附生員原額二十名自咸豐十年廣額一名
現今歲科兩試入學共二十一名遇有

覃恩廣數七名

州學增廣生員三十缺

州學廩膳生員三十缺

州學三年兩歲貢遇有

覃恩加恩貢一名

德州學校記略

州衛書院校定本

州學酉科拔貢一名

州學歲試取進武學額十五名



德衛學校記略

衛學取進充附生員十五名遇有

單恩廣數七名

衛學增廣生員三十缺

衛學廩生三十缺

衛學三年兩歲貢遇有

單恩加恩貢一名

衛學西科拔貢一名

德衛學校記略

州衛書院校定本

衛學歲試取進武學額十五名



德州義學記略

道義學四一在城內苗家胡同光緒二十二年改置常豐
倉一在城內戶部街曰城南義學一在西門外曰竭致堂
今改置董子台一在城東邊臨鎮俱道光五年督糧道魯
垂紳建道光九年籌款發當生息

州義學六一在城內永慶寺一在城內城隍廟一在城內
龍神廟道光十七年知州舒化民建又東堂北廠柘園鎮
義學三同治六年知州趙新建同治九年經署知州蔣樹

德州義學記略

州衛書院校定本

屏將柘園鎮義學停止留東堂北廠二處

衛義學一在衛署前光緒元年德州衛守備全壽洵率衛
幫千總同立

